

'Boluntario di curason ta difícil pa haya'

ORANJESTAD – Bon Dia Aruba a bay Mary Joan Foundation pa asina e fundacion por splica nos tocante con e fundacion a lanta, sin hopi boluntario y problemanan social cu pashent cu cancer ta enfrenta.

Mary Joan Cynara Geerman-Kock a wordo invita na año 2000 na Woman's Club of Aruba. E año ey a wordo papia tocante cancer na pecho pa prome biaha, tambe kico bo ta experiencia di tin cancer na pecho.

Jose Tromp, directiva di

Mary Joan ta splica cu despues di dos año di e seminario, Mary Joan a fayece den avion biniendo Aruba bek. Segun sr. Tromp henter e trayectoria di cuida di cancer, 'Mary Joan tabata un persona hopi fuerte', semper positivo y tabata yuda otro hendenan.

Sr. Tromp ta remarca cu e motto di Mary Joan tabata 'no ta importa kico bo ta pasando aden, nunca bo no mester enfrenta cancer di pecho bo so'. Esaki tambe ta e mesun motto cu e fundacion ta sigui uza. Pa motibo di e seminario a lanta varios pregunta. Pa motibo di esey a dicidi di lanta

un fundacion cu number di Mary Joan, paso e tabata un ehempel y pa continua.

"E fundacion mes a wordo lanta na año 2007 y ta duna sosten na tur esunnan cu ta sufri di cancer di pecho, esunnan cu a sobrevivi e malesa, nan famia y amistadnan. Ta ofrece sosten, forsa y ta brinda calor necesario cu por yuda surpasa e periodo difícil den e bida di un pashent cu cancer", sr. Tromp ta splica.

"Awendia pa tin un fundacion no ta facil. E ta rekeri hopi trabou, tur ta boluntario cu excepcion di e secretaria. No ta facil pero nos ta sigui lucha. Tin basta hende ta bisa cu atrobe e fundacion ta para placa, pero si nos no haci esaki, nos no por sigui cu e trabou. Nos ta haya subsidio di gobierno, pero nos ta e fundacion cu ta haya e minimo. Pa awo nos no tin mas tampoco, nos unico entrada ta di pueblo."

No ta e fundacion aki so, pero tur fundacion di Aruba tin e mesun dolor di cabes.



"Tin fundacion cu ta inverti placa den boluntario, asina nan por compromete mas den nan. Mayoria di nos boluntarionan ta bolunta paso nan tin famia cu ta malo, of nan mes a pasa den dje."

Sr. Tromp a sigui splica cu aki na Aruba no tin personanan specialisa den ayudo psicologicamente. Tin trahado social, pero nan no ta specialisa den asunto den ayudo di cancer. El a remarca cu lo ta hopi bon si lo bin un psicologo den futuro. "Esaki lo ta un paso grandi pa e pashentnan."

Bon Dia Aruba lo sigui con-

tinua tocante problemanan social cu tin cu personanan cu ta sufri di e malesa di cancer y con sociedad ta mira e pashentnan aki.

